



7. oktober 2010

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqut:

Nunatsinni aatsitassarsiornissamik uuliasiornissamillu suliffeqarfiit akuersissutinik pigisaqartut nunatsinni najugaqavissunik pinngitsoornatik ilinniartitsisarnissaat qulakkeerniarlugu Naalakkersuisunit piumasaqaateqartoqartarpa?

Piumasaqaateqartoqartarpat piumasaqaatit suut qanorlu imaqartut ingerlanneqarpat?

(Inatsisartunut ilaasortaqaq Karl Lyberth, Siumut)

Tunnqavilersuut:

Suliffeqarfiit aatsitassanik uuliaqassutsimillu nunatsinni misissuinissaminnut akuerineqartartut qujanartumik amerliartortuarsimapput.

Suliffeqarfiit aatsitassarsiornieriarlutik uuliasiorniarlutillu nunatsinni ingerlatsisut sutigut tamatigut nunatsinnut iluaqutaanissaat qulakkeerniaruartariaqarparput, aamma nunatsinni najugaqartut assigiinngitsutigut ilinniartinnissaat eqqarsaatigalugu.

Nunatsinni najugaqartut, minnerunngitsumik inuusuttut eqqarsaatigalugit, siunissami aatsitassarsiornifinni uuliasiornernilu sapinngisamik amerlasuut sulisuulernissaat anguniarlugu pingaaruteqarluinnarpoq suliffeqarfinnut tamakkuninnga ingerlatalinnut pinngitsoornatik ilinniartitsisarnissaannik piumasaqarnissaq.

Taamaattumik matumuuna paaserusuppara Naalakkersuisunit piumasaqaatigineqartarnersoq suliffeqarfiit aatsitassarsiornermik uuliasiornermillu ingerlataqartut pinngitsoornatik nunatsinni najugaqartunit ilinniartitsisarnissaat pillugu.

Soorlu assersuutitut paaserusunnarpoq nunatta sineriaani uuliaqassutsimik misissuisoq Cairn Energi nunatsinni najugaqartunik ilinniartitsinissaanik qanoq piumasaqarfigineqarsimanersoq.